



10832/ 18

Broj: 06-11-5102/23-4
Ilidža, 30.08.2023. godine

Na osnovu člana 68., 69. i 70. Zakona o javnim nabavkama ("Službeni glasnik BiH" broj: 39/14 i 59/22) i Zapisnika o pregledu i ocjeni ponuda Komisije za javne nabavke br. 06-11-5102/23-3 K od 29.08.2023. godine, Općinski načelnik donosi:

ODLUKU O PONIŠTENJU POSTUPKA JAVNE NABAVKE 81/23

Poništava se postupak javne nabavke „**Nabavka građevinske mašine- mini utovarivač**“, broj obavještenja o nabavci sa portala javnih nabavki: 888-1-1-192-3-179/23 od 25.07.2023. godine iz razloga što jedina zaprimljena ponuda ne ispunjava zahtjeve iz tenderske dokumentacije.

Obrazloženje

Na osnovu Odluke o pokretanju postupka javne nabavke broj 06-11-5102/23-1 i Obavještenja o nabavci broj 888-1-1-192-3-179/23 od 25.07.2023. godine, pokrenut je otvoreni postupak nabavke za „**Nabavka građevinske mašine- mini utovarivač**“.

Iz Zapisnika o zaprimljenim ponudama i zapisnika sa otvaranja ponuda vidljivo je da je ponudu blagovremeno dostavio ponuđač Teknoxgroup BH d.o.o., ul. Rajlovačka cesta bb, Sarajevo.

Komisija za javne nabavke je u Zapisniku o pregledu i ocjeni ponuda, br. 06-11-5102/23-3 K od 29.08.2023. godine konstatovala sljedeće:

Ponuda ponuđača Teknoxgroup BH d.o.o. je ocijenjena kao nepravilna iz razloga jer je navedeni ponuđač u Obrascu za cijenu ponude dopisao napomenu o roku isporuke, odnosno nije dostavio originalni Obrazac za cijenu ponude iz tenderske dokumentacije. Naime, u tački 1.9 tenderske dokumentacije je propisano da je rok isporuke „120 dana od dana obostranog potpisivanja ugovora“. Navedeni ponuđač je u dostavljenom Obrascu za cijenu ponude dopisao napomenu da je najraniji rok isporuke juni 2024. godine.

Također, navedni ponuđač je u članu 3. nacrta ugovora izmjenio rok isporuke koji je u suprotnosti sa rokom iz nacrta ugovora tenderske dokumentacije.

Naime, članom 57. stav (1) Zakona o javnim nabavkama („Službeni glasnik BiH“, broj 39/14 i 59/22) je propisano: „U postupku javne nabavke kandidat/ponuđač pridržava se zahtjeva i uslova iz tenderske dokumentacije.“

Također, tačkom 3. tenderske dokumentacije je propisano: „ (...) Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.“

S obzirom da navedeni ponuđač nije postupio u skladu sa postavljenim zahtjevima iz tenderske dokumentacije, ponuda je ocijenjena kao nepravilna.

Imajući u vidu navedeno Komisija za javne nabavke predložila je općinskom načelniku donošenje odluke o poništenju predmetne nabavke u skladu sa članom 68. i 69. Zakona o javnim nabavkama.

Na osnovu navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđač ima pravo da izjavi žalbu u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

- Prilog: Zapisnik o pregledu i ocjeni ponuda br: 06-11-5102/23-3 K od 29.08.2023. godine



OPĆINSKI NAČELNIK

Nermin Muzur, ~~Magistar~~ uprave

Dostavljeno:

1. Teknoxgroup BH d.o.o., ul. Rajlovačka cesta bb, Sarajevo
2. Kabinet Općinskog načelnika
3. Služba za finansije
4. Služba civilne zaštite
5. Služba za zajedničke poslove (za objavu na web)
6. a/a

Izradila: Arnela Merdžanić, BA. prava

Kontrolisao: Benjamin Mešak, dipl.ecc

